

藏經書院版

卍
續藏經

第 102 冊

中國撰述

天台宗著述部

華嚴宗著述部

新文豐出版公司
印行

已續藏經.——臺一版.——臺北市：新文豐，[民82

-]

冊；公分

ISBN 957-17-0665-5（一套：精裝）

——ISBN 957-17-1217-5（第一〇二冊：精裝）

1.藏經

221.08

82000521

所
有



版
權

發行人 高 本

釗

編輯者 藏 經 書 院

新編
已續藏經
全一五一冊
第一〇二冊

精裝一冊基價一五·五五元正

中華民國八十三年十月台一版三刷

印發行所及 新文豐出版 股份 有限 公司

公司：臺北市雙園街九十六號
電話：三〇六〇七五
門市部：臺北市羅斯福路一段二〇八號
電話：三〇六〇七五
台北郵政特准掛號認爲新聞紙類
登記證：警字第一四四二號
郵政撥送：三五六八〇七六·三〇二二八七〇號

22090200（精：一套）

22090302（精：第一〇二冊）

南無本師釋迦牟尼佛



卍續藏經第一〇二冊目錄

新文豐出版公司影印卍續藏經會編印

中國撰述 天台宗著述部

四教儀集解三卷……………宋從義撰……………0001

四教儀備釋二卷……………元元粹述……………0142

四教儀集註料一卷……………元蒙潤排定……………0207

四教儀集註節義一卷……………清靈耀節……………0218

四教儀註彙補輔宏記二十卷……………清性權記……………0246

中國撰述 華嚴宗著述部

華嚴五教止觀一卷……………隋杜順說……………0849

華嚴一乘十玄門一卷……………隋杜順說……………0860

華嚴五十要問答二卷……………唐智儼撰……………0870

華嚴經內章門等雜孔目章四卷……………唐智儼撰……………0907

天台四教集解卷上并序

余治平四年冬於郡西之妙果而寄講焉明年夏諸
 新學請事文墨消釋高麗觀師所錄天台四教千時
 權以雪川之科分節文之起盡散集諸部法言解釋
 義之綱要未逾二句乃成三卷題目謂之四教集解
 焉艸創纔畢尙未琢磨便爲學者傳寫流布世人咸
 將何晏集解致難而不曾以杜預集解爲妨且儒之
 集解既存二說今之題目何必怪哉嗚呼管闡之局
 也而有斯惑焉今熙寧九年居大雲西院講訓之餘
 於是考覈雪川之科未爲盡善矣遂乃自出科文一
 貼仍又檢校曠昔集解頗有疎略也故重修飾亦爲
 三卷所患識見荒蕪辭理鄙昧未能發明聖賢宏奧
 聊且備于初學分其句逗而已遐方近處見茲再定
 之文不須復留未治之本也

一無天等一
 行中下兩卷
 亦留

釋此四教爲
 二初題目二
 初所錄題目
 初一作於

天台四教儀科解卷上會永嘉記入於觀師本文

永嘉沙門釋 從義 撰

天台四教集解卷上

天台四教儀

釋此四教文分爲二初題目二初所錄題目天等
 四字別也儀字通也初別題中四教是法天台約
 人良由從處以名人也具云天台山即智者大師
 所棲之處此山上應天之台星故曰天台山也亦
 云天梯山謂此山高險如梯可以登而升天故曰
 天梯山後人譌轉云天台耳天者顯也顯也在萬
 物之頂顯然可觀春爲蒼天夏爲昊天秋曰旻天
 冬曰上天元氣未分混而爲一兩儀既判清升爲
 天濁沈爲地此乃俗說是故引之若依釋教天者
 最勝也光明也欲色無色三界等天也台者三台
 也上台虛精星中台六淳星下台曲生星亦云三
 階每台二星凡有六星名大階六符也符者星之
 驗也上階天子也中階諸侯公卿大夫也下階七
 庶人也四教者或云化法四教也據化法有體及

以五時八教判釋東流一代聖教罄無不盡

二以下所用判釋以者用也五時八教下文自列所以天台明五時者意彰如來說法年代有次第也立五味者欲顯如來化益群機也舉化儀四教者爲辨如來出世儀式也言化法者蓋示如來化物之法也故五時八教其旨若斯今先示之至下易曉判釋者判謂剖判分判也釋謂解釋消釋也如以化儀判華嚴爲頓卽用化法別圓解釋華嚴既然餘皆準說故荊谿云頓等是判教之大綱藏等是釋義之綱目問判釋爲定四時亦通法華答此須分別若以化儀四教判則判在四時判既如此釋亦例然今此文云以五時八教判釋等者是則判釋亦通法華何以故以判法華爲第五時故非頓漸之儀式也以純圓之教解釋故非兼帶之參雜也若準此意與荊谿之說小不同耳問若爾莫不違荊谿耶答各有所以安得相違且荊谿因釋法華如是我聞故以判釋在法華前以法華經超八教外出四時表故云若非超八之如是安爲

此經之所聞今此文中判釋等者乃是統將五時八教判釋一代所以通於法華涅槃也東流者佛生說法在於西竺漢明已來梵僧持法向此東夏如水流之無壅故曰東流也一代者若三十年爲一代其義猶局今則但取代更之說卽釋迦如來之一代非毗婆尸等也問所言八教判釋東流如祕密教既非所傳則無結集云何總言八教判釋答此則且取大途言之剖判如來說法有顯有密是故總云八教判釋所以大經及智論等皆指已前有祕密義非謂藏中黃卷赤軸是祕密經將祕密教而判釋也問既以八教判釋諸經如提謂經何不判爲頓等八耶答今言八教竝是出世之法須論破惑證眞提謂經者佛初出世爲此長者說五戒十善但益人天非是聖人出世教本是故不判以爲頓等若論攝屬亦可收在鹿苑三藏問提謂經中三百人得信忍四天王得柔順忍此則通於大乘之說云何卻言收在三藏答若約顯露不定教者是則不妨有三百人得信忍等若從顯露

定教而說則提謂經屬人天教人天合當鹿苑三藏所收故云五乘但在鹿苑也罄亦盡也

言五時者

二別列二初
五時三初
前標名

二言下別列二初五時三初牒前標名

一華嚴時二鹿苑時說四三方等時說維摩思益楞阿含說般若光讚般若金剛五法

光明勝四般若時說摩訶般若光讚般若金剛五法

華涅槃時

二一下列示一華嚴時者即是舉其別題中喻立

第一時也具云大方廣佛華嚴大方廣法也佛人

也華嚴喻也所謂因華能嚴果德也七種立題中

即具足者一也所以華嚴時不從處立名者以華

嚴經處凡有七豈可立為一七處時耶是故只將

經題立時非但收得七處抑亦其名雅妙矣二鹿

苑時者從最初處以立名也佛初於此度五人故

若爾何不立經題而立時耶答四阿含經題既

多處亦非一豈可立時云四合耶故且從初云鹿

苑時以處顯法其言佳矣大論云昔波羅奈國梵

摩達王游獵林中見二群鹿各有五百有一鹿主

身七寶色是釋迦菩薩復有一主是提婆達多菩

薩鹿主見人王衆殺其羣黨起大悲心直到王前

諸人射之其箭如雨王見此鹿無所畏忌勅令勿

射鹿王至已乃白人王王以游樂小事之故羣鹿

一時竝皆受死若欲供饌當差次送每日一鹿王

善其言於是二主各差次送提婆達多羣鹿之中

有一母鹿白其主言我死分當但我懷子子非次

也乞垂料理使死者得次生者不謫王怒之曰誰

不惜命次來但去母鹿思惟我不仁不察我辭

橫生瞋怒不足告也於是即至菩薩王所以情具

白王問母鹿汝主何言母鹿白曰我主不仁不見

料理而生瞋怒大王仁及一切故來歸命如我今

者天地曠遠無所控告菩薩思惟此可憐愍我若

不理枉殺其子若以非次更差餘鹿次未及之如

何可遣唯有我身自當代之思之既定即自送身

至于王所王問之曰羣鹿盡耶汝何以來鹿王答

云大王仁慈人無犯者但有滋茂而無盡時如彼

羣鹿有告我者我愍之故若非分差此則不可縱

而不救何殊木石是身不久不免無常慈救苦厄其德無邊王聞此語乃說偈云我實是畜獸名曰人頭鹿汝雖是畜生名爲鹿頭人以理而言之非以形爲人若能有慈惠雖獸實是人我從今日始不食一切肉我以無畏施且可安汝意諸鹿得安王得仁信羣鹿所居故云鹿苑從樹爲名亦云秦苑仙人所住又名仙苑佛初於此而轉法輪注云說四阿含者一長阿含二中阿含三雜阿含四增一阿含阿含此翻無比法也增一阿含明人天因果中阿含明眞寂深義雜阿含明諸禪定長阿含明破外道矣三方等時者方者廣也等者平等也若大方廣者理性廣博名之爲大理正爲方包富爲廣今之方等者四教俱說事方等也三諦俱談理方等也若理方等五時之中唯除鹿苑餘皆有之以諸大乘悉談三諦故云大乘方等經典若事方等正唯在於第三時也良由華嚴只談圓別鹿苑漸初但明三藏般若漸終在通別圓此等三時所說法門且不普廣委明四教唯第三時四教俱

往一作統

說獨彰方等良有以也問若爾涅槃既有四教何不立爲方等時耶答涅槃中四但是追說所以不彰方等時也又復立時各從其義豈可一例云方等耶問此方等時從法而立何故不以經題及處而立時耶答方等之中經題非獨一種處所豈亦皆同是以但將方等往收則無所不攝矣注云維摩者梵語也此云淨名三惑已淨卽是眞身名稱周徧卽是應身此經是淨名居士所說故云維摩詰所說經也思益者天名也具云思益梵天所問經經云東方過七十二恒沙佛土國名淨潔佛號日月光其土有菩薩梵天名曰思益從彼而來云楞伽者城名也此云不可往唯得通人乃能到耳故彼經云佛住大海濱摩羅耶山頂楞伽城中云云楞嚴者大論云首楞嚴秦言健相也分別諸三昧行相多少深淺如大將知諸兵力多少菩薩得是三昧諸煩惱等不能破壞如轉輪王主兵將寶所至之處無敢壞者亦翻爲事究竟也三昧者秦言正心行處亦云調直定以衆生無始其心常

曲若修三昧心乃端直此首楞嚴三昧經羅什所翻與唐時般刺密諦所譯十卷者不同也金光明者從譬立名也以經文云是金光明此金光明玄義中云卽法作譬以譬擬法應知經云是此二字乃專指召金光明耳玄云法者所謂無量甚深法性玄云譬者指金光明利根人解卽法作譬所謂無量甚深法性三德之法卽此之法作金光明三字譬也鈍根人解此金光明三字之譬以擬無量甚深法性三德法也利根親近鈍根疎遠雖有親疎一不可廢雖則兩存只一譬喻古師但知以譬擬法不了利根卽法作譬乃爲天台之所破耳況復古師以譬擬法尙自不周何由能解卽法作譬斯義皎然何須疑惑余思近代章記解釋金光明題及文句題二題俱謬故此因便略示大綱如欲委明別有義章云云勝鬘者卽勝鬘夫人也勝鬘經云波斯匿王末利夫人共相謂言勝鬘夫人是我之女聰慧利根具云勝鬘師子吼方廣經也四般若時者梵云般若此云智慧般若尊重智慧輕

淺故存梵音此依經題以立時也注云摩訶般若者摩訶此云大也光讚者經云於是世尊從其舌本悉覆佛土而出無數百千光明照三千界其光明中自然而植金葉蓮華其蓮華上各有諸佛講說此經故知光卽光明讚卽講說等也金剛者從喻也以此金剛喻般若法也金中精堅者百鍊不消其體明淨能碎萬物故以之喻般若法焉大論說破金剛因緣著龜骨上以山羊角打之卽破云云古判般若總有五時一摩訶二金剛三天王四光讚五仁王今家破之光讚只是大品上帙在後譯耳故不可爲別時之義雖然摩訶定在仁王前矣具如釋籤大品只是摩訶今文重列之耳又有小品放光故云等諸般若也五法華涅槃時者以此二經同醍醐故合爲一時此亦以其經題立時法卽妙法華謂蓮華妙法有施開廢之義其意難解故以蓮華三事喻之涅槃者具云摩訶般涅槃那此翻大滅度大卽法身滅卽解脫度卽般若若有合有離融妙不二

是爲五時亦名五味

二是爲下結亦名五味者華嚴乳味鹿苑酪味方等生酥般若熟酥法華涅槃二經醍醐五味又出大涅槃經如下引之五時之文乃依諸部何者華嚴經云菩提道場始成正覺在初明矣諸部小乘雖曰初成自是小機見爲初耳法華經云卽脫瓔珞更著麗弊故知鹿苑第二明矣大集經云如來成道始十六年故知方等第三明矣仁王經云如來成道二十九年已爲我說摩訶般若故知般若第四明矣法華經云成道已來四十餘年涅槃經云臨滅度時故知二經第五明矣問如來出世三十成道十二年中說四含等八年方等二十二年說諸般若八年法華二月望日說大涅槃且華嚴經何年說耶答或有說云華嚴鹿苑此二同時合在鹿苑十二年也今謂不然且古德云華嚴時長荊谿師云應知華嚴盡未來際豈得定云十二年耶須知如來只是一番出家成道大根始終無非華嚴小根自見從漸至於法華開悟是則華嚴偏

二八教二初
正明三初標
前標名

二列示

同宋本作異

斥一作阿

五十年良可信矣故云大觀始終無改小見三七停留若五時次第部類先後非此中意豈得輒引而難乎

言八教者

二言八下八教二初正明三初牒前標名

頓漸祕密不定藏通別圓

二頓下列示頓者初也由部時味三皆在初何者如來出世先說華嚴部在初矣日先照山牛先出乳時味初矣問頓教頓部同異如何答名異義同從部成教其法是同何者如來初說名爲頓教總此頓說與餘不同名爲頓部部卽是教豈有異乎漸者漸次也三漸次第也所謂二乘鹿苑證眞方等彈斥般若濤汰故知漸次正約二乘及偏菩薩若諸大士已入於實則非漸次之所收矣祕密者此則如來不思議力隱覆密說令諸衆生互不相知得漸頓益故名祕密諸文先明顯露不定次明祕密今文且從言說便故先明祕密耳一家所立顯密之教乃是祖述龍樹大師何者般若經中諸

天子等住在虚空而讚歎曰我見閻浮提第二法輪轉大智度論釋此文云初轉法輪八萬諸天得無生忍陳如比丘先得初果今轉法輪無量諸天得無生忍今轉似初轉問初轉少今轉多如何以大喻小而言似耶答諸佛法輪有二種一者顯二者密初轉聲聞見八萬及一人諸菩薩見無量阿僧祇人得無生忍等故名祕密教若初轉八萬一人乃是顯露不定教也又涅槃經迦葉菩薩設三十六問已如來讚云如我初成正覺亦有菩薩來問斯義當知此亦祕密教也此準玄籤謂之祕密準涅槃疏謂之遠本具如大部補注中辨云云然須了知祕密不定但是約於同聽異聞互相知互不相知而論耳問祕密教者降佛已還尙非阿難能受云何大論伸明答或有說云阿難在小是故不傳龍樹在大所以知之今謂不然且如阿難既通四教何必定小菩薩衆多豈獨龍樹能知祕密故須了知由般若經天子讚辭有祕密義所以龍樹得論顯密二種法輪若不爾者大論何必特

於此文專指鹿苑明祕密耶又諸菩薩造論頗多何不說耶故知若非般若經中對彼鹿苑有祕密意龍樹無由以明密教斷可信矣問祕密一教爲局四時爲通五味答若乃泛論祕密之義則五味中皆悉有之若化儀中祕密教者局在四時故下文云如前四時以至諸文皆同此說若第五時乃是顯露非是祕密亦是定教非不定教若第五味亦論密者此有二義一者如三周中用預聞者故法說周密聞大車及以宿世當知此密乃成顯露同皆圓妙咸一味故不同爾前互不相知二者法華座席對餘方論容有密義何者餘方未宜開顯則彼不知此今法華中人天初心始得聞者亦未全知十方世界開不開等則此不知彼然經法華本地開後雖不現見亦可比知十方容有一席定無斯之謂矣問釋籤中說祕密橫被無時不徧何故向云局在四時答豈聞無時不徧之言便將祕密通法華耶今謂無時不徧只是四時耳若謂不然云何解會法華是顯露非祕密耶須將義定勿

以言拘問化儀中密既徧四時何故大論專對鹿苑答此由經中諸天子云第二法輪是則鹿苑以爲初轉所以大論且附經文故事鹿苑若以義求實通四味是故得云無時不徧不定者妙玄中云顯露不定祕密不定今文從略於祕密中不云不定於顯露中但云不定問祕密顯露皆有不定妙玄明矣祕密顯露若皆論定何以證乎答明者貴其理暗者守其文祕密顯露既云不定豈無定乎故荊谿云顯之與密定與不定相對論故況妙玄云法華是定豈非顯露有定不定應知頓漸亦顯露定顯露既而祕密亦然又義如是可不信哉顯露不定只是如來一音演暢令諸衆生互相知覺得益不同故名不定妙玄中說雖五人取證而不妨諸天悟大雖高山頓說而不妨游化鹿苑問準妙玄中顯露不定八萬五人或有疑云八萬悟大二乘人知爲不知耶若云不知何殊祕密若云知者鹿苑小機豈可知大答八萬五人同聞生滅名爲顯露五人見小八萬悟大名爲不定於漸得頓

一無定字

斯之謂矣高山頓說不妨鹿苑是則名爲於頓得漸人之未了異論云云卻於不定妄分顯密全棄同聞生滅之說問顯露不定其義昭然知與不知猶未了了答大論既云初轉聲聞見八萬及一人故知鹿苑之中雖八萬一人互相知覺而於聲聞自己智眼實未知於悟大之說但知八萬得法眼淨耳大論中云得無生忍方名悟大故知大論依般若經大乘之義所以得伸小大之說準大判教名爲不定那以鹿苑小機難耶問顯密各論定與不定其義云何答如來說頓機得頓益說漸亦然名爲定也如來說頓機得漸益說漸亦然名不定也但以互相知故名顯露定不定矣或爲一人說頓多人說漸或爲一人說漸多人說頓名爲不定只爲一人說頓不爲說漸名之爲定但以互不相知故名爲祕密定不定矣具引妙玄祕密不定委在下文當知顯密之義感應相須不可偏指餘如下文

藏通別圓者長阿含云佛在圓彌城北尸舍婆村

說四大教謂從佛聞從和合衆聞從多比丘聞從一比丘聞月燈三昧經四種修多羅一諸行二訶責三煩惱四清淨此等並是化法四教之明證也原夫如來藏性權實二理衆生迷故莫之返也由是聖人以大悲力冥熏藏性說四教法赴四機緣衆生若能依教修行證手藏性性理亡泯教法寂然是名一代修多羅教如標月指因指見月見月亡指因教見性見性泯教大小教法一切皆爾那謂教家非見道耶自誤誤他甚可哀矣藏者具云三藏卽經律論皆云藏者含藏爲義文能合理理能含文卽經律論各含一切文理故也教者效也聖人被下之言也效之則革凡成聖也問大小皆有經律論三何以大乘云通別圓小名三藏答準釋籤中義有通別通則大小皆有通三藏捨通從別依法華經大論成論專以小乘名三藏教清涼觀師謂此三藏餘三教又釋意云小乘三藏條然不同通教意融別依法性圓三無礙余謂此亦自是一說得向通別何所蓋哉通者通也無所不通

三若

二法以喻彰

也案四念處通義有三一因果俱通卽通當教三人共十地也二因通果不通卽是三根受接也三通別通圓卽因果俱不通藉通開導之人也應知通教不定部帙但二酥中三乘共學判以爲通若三藏教自有部帙卽阿含等是也別者異也別異藏通及圓融也若言別者是不共義而立不共教者此乃得在二乘遠邊失於近邊如華嚴中處處行布二乘不聞卽其義也但云別教則遠近皆得如二酥中二乘亦聞恒沙法也亦如通教卽是共義而立共教者此乃得在二乘近邊失於遠邊但云通教則近遠皆攝如向三通義是也圓者妙也三諦融卽也此且略示四教名義餘如向下隨文點出

是名八教

三是名下結

頓等四教是化儀如世藥方藏等四教名化法如辨藥味

二頓下法以喻彰八教之法以藥方味而顯之也

二結廣

○二略
要二初總標
略錄

二初別示綱要
初分章段

如文可見又荊谿云藏等四教是教門法式頓等四教是敷置引入如來權巧善達物機頌宣藏等以為頓等名雖有八用必不俱開合隨宜盈縮不定而清涼以天台列在古來判教四教中攝斯則豈非比竊讀者尙云天台唯藏等四耶如是等義散在廣文

二如下結廣如上五時八教等義偏散一家諸部廣文法義散廣不其然歟

今依大本略錄綱要

二今依下略錄綱要文為二初總標略錄言大本者準下結云謹案台教廣本是則大本不殊廣本大本廣本豈可異前散在廣文又亦可云大本廣本指智者撰四卷四教是則彼既名大名廣今文宜稱小本略本但今文中五時五味三觀十乘全依立義及止觀等故知大本又不局定四卷四教文義從容善須明達綱者說文云維紘綱也綱之要也提綱目整斯之謂矣

初辨五時五味及化儀四教然後出藏通別圖

二依章顯示
五時及五時
四教二初化
中分二初正
明又二初正
時化二初正
三時開顯二
初標時味
初標時味

二指經

三解經三初
總示從三名

二開釋部時
三初明初部
初說部義在

二初下別示綱要二初分章段
第一頓教者

二第一頓教下依章顯示文為二初明五時五味及化儀四教二初正明文為三初四時化儀二初正示四初頓教文分三初標八教之始故云第一矣

即華嚴經也

二即華嚴經也一句指經是頓也化儀之頓其唯華嚴故專指之若回覺等諸大乘經云頓教者乃是化法圓頓之頓又是別教但中之頓是故不同化儀中頓指華嚴也

從部時味等得名為頓

三從部下解釋文為三初總示從三名頓

所謂如來初成正覺在寂滅道場四十一位法身大士及宿世根熟天龍八部一時圍繞如雲籠月爾時如來現盧舍那身說圓滿修多羅故言頓教

二所謂下別釋部時味三初釋部二初明初成頓說部義在初如來者十號之初也無虛妄者名如

來也二三如來具在諸部初成正覺者乘如實道
來成正覺也今始初成若望法華成道久遠是則
華嚴在迹何疑寂滅道場者住處也新譯華嚴云
在摩竭提阿蘭若法菩提場中始成正覺舊譯謂
之寂滅道場故摩竭蘭若即寂滅道場也由證三
德則五住二死滅寂如空故云寂滅也得道之場
故云道場也世以治穀祭處名場今謂治五住穢
顯實相米名爲場也實相卽道也四十一位者華
嚴經中前無十信後無等覺但明住行向地妙覺
四十一位今文應列四十位爲所聽之衆言四十
一者恐剩一字或恐傳寫者不知今文列所聽之
衆乃準諸文一例言四十一位也或謂主伴兼列
者豈其然乎位者列也易云聖人大寶曰位是則
位者所列之位有賢聖因果之等階也又云地位
者地是所依位是所階由所依地有所階位位有
因果等階不同地是一理故無隔異焉法身者若
從所證理性法身則此法身非色非心初住已上
皆分證於毗盧遮那妙法身也若從能證事法身

者則是十力四無所畏不共法等爲事法身初住
已上皆分證也今文且在事法身耳亦通理法身
也大士者大非小也士事也運心廣大能建佛事
故云大士亦云上士瑜伽論云無自利利他行者
名下士有自利無利他名中士具自他行名上士
大論以菩薩名大士亦開士普賢觀以聲聞菩薩
名大士金光明以佛爲大士諸文不同故須略知
宿世根熟者夫衆生從佛受化皆有種熟脫三今
此或從過去久種善根於近世熟今華嚴脫可以
意知無勞委示天龍八部者天龍是八部攝總別
兼舉故云天龍八部也亦如四禪八定耳一天二
龍三夜叉四乾闥婆五阿修羅六迦樓羅七緊那
羅八摩睺羅伽卽八部也若人非人乃是結八部
耳或云緊那羅頭有一角似人非人故云人非人
也部者部伍部署之義也若四天王所領各二鬼
神亦曰八部也如上之衆在華嚴會聞法悟道須
以乘戒四句料揀何者別圓乘急而戒緩者畜類
等身聞法悟道別圓乘急而戒急者人天等身聞